

ՄԻ.

Բ

Գերաւեծար գերշարգելի Աբբայ Նոր մերոյ  
Ստեփաննոսի վարդապետի ողջոյն

Թղթ. ՃԿԶ

... Ի հոկտ. 1 եղև եանդըն մեծկակ ի պէկ օղլուն ի տեօրթեօլ աղզըն. և այրեցան տունք իբր 50, յորոց յոլովքն էին տունք Ֆրանկաց և թէրճիմանաց՝ տունք հարուստք և մեծամեծք պարապք ի տանուտեարց. զի վասն ժանտամահին էին փախուցեալք ի զիւղօրէս. և վասն այն եղև նոցա փնաս յոյժ մեծ, թող զփնասն ի եաղմածոց: Ել հուրն ի վանից սրբոյն անտոնի որմնակցի մուրատճայենց տան Հ. Յովսէփին մերոյ: (Ասի արկեալ գոլ հուրն անդ ի սախըզցի աշճիէ նոցա, որ երկու ամսօք յառաջ էր աշճի և սպասաւոր ճէւահիրճի Ֆրէնկի միոջ քիրաճիի մուրատճայենց, յորմէ վասն անզգամութեան արտաքսեալ մտեալ էր ի սուրբն անտոն. և յիսայր Ֆրէնկին այնմ այրել զտունն ի վերայ զիւոյն, զոր և արարն իսկ.) և անտի էանց հուրն ի տուն մուրատճայենց ի ճամէքեան սուֆան նոցա ի վերին խաթըն, և սկսաւ զօրանալ, և այրել զվանքն սրբոյն անտոնի, և զտունն մուրատճայենց ի վեցերորդ ժամու գիշերոյն, և անտի էանց ի հանդիպոյ եղեալ տունսն նոցին յայն սօխախ, և սկսաւ փչմամբ հարաւային հողմոյ այրել և ընթանալ. և այրեաց յերկոցունց կողմանց նոյնոյ սօխախին զամենայն տունս մինչև ի կրպակ սըղըր խասապին մօտ տանկի սարային խալաթիոյ: Այրեցան երկոքին ժամքն Ֆրանկաց, այսինքն ժամն սրբոյն անտոնի և ժամն սուրբ երրորդութեան: Այրեցաւ և սարայն նեմցէ դեսպանին. այրեցաւ և բնակարան աթանաս վարդապետին մերոյ, և եղև նմա փնաս ոչ սակաւ...:

1762, Հոկտ. 13  
[Կ. Պոլիս]

Նուստ ծառայ  
Հ. Զաքարիա Վ. Ա.

ՄԻԱ.

Այս շատ հետաքրքրական թուղթը կը տեղեկագրէ մեզ՝ ընդ մէջ կղեմէս ԺԳԻ-ի և մեր նամակագրին՝ վատիկանու մէջ տեղի ունեցած հարցուպատասխանի մը:

Եղ. Արսէն (յետոյ Հ. Ստեփան) յանձնարարութեամբ Հ. Մ. Անանեանցի՝ իբր թարգման կ'ընկերանայ Լիվոռնոյէն Հռովմ եկող ջուղայեցի Իզնատիոս անուն քահանային, ասոր իսկ թախանձանօք, երբ սա Ս. Քահանայապետէն ունկնդրութիւն ընդունած էր:

Գերշարգոյ և աննապատի տեսան Ստեփաննոսի Աբբայի խնդալ

... Ի վճարիլ հարցմանցն որ զքահանայէն, դարձոյց զերես իւր ի դէմս իմ, և ասէ ցիս. ապաքէն դու ի վենետիոյ ես: Եւ ես ասեմ, այո՛ հայր սուրբ, եմ կրօնաւոր վանից սրբոյն Ղազարու որ ի վեն: Ասէ պապն. գիտեմ ես զվանս սրբոյն Ղազարու, և գնացեալ եմ անդ. է այն մենաստան գեղեցիկ և վայելուչ: Եհարց դարձեալ. քանի միաբանք կան այժմ: Ասեմ ես. աւելի քան զյիսուն: Ասէ սրբազանն. ունիք նորընծայս: Ետու պատասխանի. են նորընծայք, են և վարժարանեցիք, և այլ միաբանք իւրաքանչիւր կարգի և աստիճանի: Եհարց քահանայապետն. և իւ կեայք: Ասեմ ես. զոյզն ողորմութեամբքն պատարագի զոր հիմնեալ են բարերարք միաբանութեան մերոյ, և այլ